

REPUBLIKA E KOSOVËS/REPUBLIKA KOSOVA/REPUBLIC OF KOSOVO
Qeveria e Kosovës / Vlada Kosova / Government of Kosovo
Ministria e Financave / Ministarstvo za Finansije
Ministry of Finance
Arkiva - Arhiva - Archive

Nr. Prot. Br. Prot. Prot. No: 2456/2022
Data Datum Date: 03.11.2022
Njësia Org. Org. Jedin. Org. Unit: 0200/2022
Nr. i ftojës Broj stranica No. pages: 1/20
Dolëse PRISHTINË/A



HYRËSE - ULAZNA - INCOMING
REPUBLIKA E KOSOVËS/REPUBLIKA KOSOVA/REPUBLIC OF KOSOVO
QEVERIA E KOSOVËS/VLADA KOSOVA/GOVERNMENT OF KOSOVO

Ministria e Administrimit të Pushtetit Lokal
Ministartstvo Lokalne Samouprave i Administracije
Ministry of Local Government Administration

Data. Datum. Date: 03.11.2022
Njesia organizative Nr. i Lendes Vlera
-VI- 020-945/8

Republika e Kosovës
Republika Kosova - Republic of Kosovo
Qeveria - Vlada - Government

*Ministria e Financave, Punës dhe Transfereve - Ministarstvo Finansija, Rada i Trasfera -
Ministry of Finance, Labour and Transfers*

Për:	Ekrem Kastrati, Kryetar i Komunës së Malishevës	
	Argjend Thaçi, Kryesues i Kuvendit të Komunës	
Kopje:	Elbert Krasniqi, Ministër në Ministrinë e Administrimit të Pushtetit Lokal	
	Venera Çerkini, Zv. Sekretare e Përgjithshme, Ministria e Administrimit të Pushtetit Lokal	
	Njësia për Administrimin e Dokumenteve, Ministria e Administrimit të Pushtetit Lokal	
Përmes:	Resul Makreshi, Zv. Ministër në Ministrinë e Financave, Punës dhe Transfereve	
	Enis Spahiu, Zv. Sekretar i Përgjithshëm, Ministria e Financave, Punës dhe Transfereve	
Nga:	Klit Shala, Zv. Drejtor i Departamentit Ligjor, Ministria e Financave, Punës dhe Transfereve	Datë: 01.11.2022
Zyrtarët përgjegjës:	Referencë: 269/2022	
1. Zyrtari hartues i vlerësimit ligjor	Bora Duli, Zyrtare e Lartë Ligjore, Ministria e Financave, Punës dhe Transfereve	
2. Zyrtari konfirmues i vlerësimit ligjor	Kimete Zekaj, Zyrtare e Lartë për Politika Buxhetore, Ministria e Financave, Punës dhe Transfereve	
Lënda:	Konfirmimi i ligjshmërisë të aktit të Komunës së Malishevës	
Lloji i aktit:	Vendim	

I nderuari Kryetar z. Kastrati,
I nderuari Kryesues z. Thaçi,

Në pajtim me Rregulloren e Qeverisë së Republikës së Kosovës Nr. 10/2019 për Shqyrtimin Administrativ të Akteve të Komunave, plotësuar dhe ndryshuar me Rregulloren (QRK) Nr. 06/2021, e në bazë të kompetencave ligjore të Ministrisë, të përcaktuara me ligjet bazike dhe Rregulloren e Qeverisë së Republikës së Kosovës Nr. 02/2021 për Fushat dhe Përgjegjësitë Administrative të Zyrës së Kryeministrit dhe Ministrive, plotësuar dhe ndryshuar me Rregulloren (QRK) Nr. 04/2021, Departamenti Ligjor i Ministrisë së Financave, Punës dhe Transfereve, ka pranuar për shqyrtim të detyrueshëm të ligjshmërisë, ashtu siç parashihet me nenin 81 të Ligjit Nr. 03/L-05 Për Vetëqeverisje Lokale, aktin komunal si në vijim:

Vendimi Nr 02/498 – Miratohet kërkesa Nr. 02/470 datë 11.10.2022 e parashtruar nga Dardan Zogaj nga fshati Lladroc për mbështetje financiare për trajtim shëndetësor
<i>I miratuar më datë 18.10.2022</i>
<i>I parashtruar për shqyrtim në Ministrinë e Administrimit të Pushtetit Lokal më datë 24.10.2022</i>
<i>I dërguar për shqyrtim në Ministrinë e Financave, Punës dhe Transfereve më datë 28.10.2022</i>

Ministria e Financave, Punës dhe Transfereve (këtej e tutje referuar si “Ministria”), duke u bazuar vetëm në këndvështrimet që prekin fushëveprimin legjislativ të Ministrisë, si dhe pas shqyrtimit të përmbajtjes së aktit të mësipërm të Komunës së Malishevës, jep konstatimet ligjore bazuar në këndvështrimet e mëposhtme:

1. Komuna e Malishevës, me anë të aktit administrativ që është subjekt i shqyrtimit synon mbështetjen financiare për trajtim shëndetësor për një qytetar të komunës.
2. Komunat, në mungesë të një legjislacioni standard që rregullon kriterët e dhënies së subvencioneve në mënyrë uniforme për organizatat buxhetore, ndarjen e subvencioneve, si mjet të shpenzimit të parasë publike, e realizojnë duke u mbështetur në rregulloret e tyre të brendshme.
3. Edhe përkundër faktit se Komunave iu jepet pavarësi financiare në menaxhimin e financave të tyre, ashtu të precizuara me nenin 2 të Ligjit Nr. 03/L-049 për Financat e Pushtetit Lokal, Komunat obligohen t'i zbatojnë dispozitat e aplikueshme të Ligjit Nr. 03/L-048 për Menaxhimin e Financave Publike dhe Përgjegjësitë, plotësuar dhe ndryshuar me Ligjin Nr. 03/L-221, me Ligjin Nr. 04/L-116, me Ligjin Nr. 04/L-194, me Ligjin Nr. 05/L-063, me Ligjin Nr. 05/L-007 dhe me Ligjin Nr. 06/L-21 (këtej e tutje referuar si “LMFPP”), gjatë disponimit me të hyrat financiare komunale, e përcaktuar si në vijim:

Neni 7 Burimet Financiare Komunale

7.2 Komunat duhet t'i zbatojnë dispozitat e aplikueshme të LMFPP gjatë disponimit me këto burime financiare.

4. Ajo që i faktorizon edhe më shumë detyrimet e përcaktuara me dispozitat e LMFPP-së është neni 81 i LMFPP-së, në të cilin precizohet që në rastet kur ky ligj ka mospërputhje me ligjet dhe aktet e tjera nënligjore, dispozitat e LMFPP-së kanë përparësi, sikurse përshkruhet më poshtë:

Neni 81

Hyrja në fuqi/Shfuqizimi i legjislacionit paraparak/Zbatueshmëria

81.1. Në rast mospërputhje me ligjet dhe aktet e tjera nënligjore, që kanë të bëjnë me menaxhimin e parasë publike, dispozitat e Ligjit për Menaxhimin e Financave Publike dhe Përgjegjësitë, do të kenë përparësi, në pajtim edhe me nenin 36 të Ligjit për Menaxhimin e Financave Publike dhe Përgjegjësitë. [theks i shtuar]

5. Në rrjedhë të kësaj, LMFPP konsiderohet ligj organik që përcakton kushtet, procedurat dhe konditat ligjore për menaxhimin e mirëfilltë të financave publike në përgjithësi, dhe shpenzimin e parasë publike në veçanti.
6. Në kuqtim të shpenzimit të rregullt të parasë publike, neni 17 i LMFPP-së precizon qartë se paratë publike do të përdoren vetëm për qëllime të miratuara publike, si dhe të shpenzohen nga fondet e ndara dhe të alokuara [theks i shtuar].
7. Nisur mbi këtë bazë, Ministria ka konsultuar Ligjin Nr. 08/L-066 mbi Ndarjet Buxhetore për Buxhetin e Republikës së Kosovës për vitin 2022, si dhe struktural përgjegjëse të Ministrisë për buxhetin e Komunës së Malishevës, ku është evidentuar se organizata buxhetore i ka të planifikuara shpenzimet e potencuara me aktin komunal për këtë vit fiskal.

3. Si përfundim, dhe duke marrë për bazë konstatimet e mësipërme, akti administrativ i Komunës së Malishevës është në përputhje me legjislacionin në fuqi.

Ministria mbetet në dispozicion të Komunës së Malishevës dhe/apo Ministrisë së Administrimit të Pushtetit Lokal për çfarëdo sqarimi të mëtejshëm lidhur me këtë vlerësim.

Me respekt!

Interpretimi i dhënë nga Ministria e Financave, Punës dhe Transfereve përkitazi me këtë çështje mbështetet vetëm në këndvështrimet që prekin fushëveprimin legjislativ të Ministrisë së Financave, Punës dhe Transfereve